



SULEQATIGIISITSISUT  
SAMARBEJDSPARTIET

Nuuk den 28. maj - 2018

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

- 1. Naalackersuisut suliniutinik sunik aallartitsissamaarpat qinigaaffiup iluani meeqqat inuusuttullu kinguaassiutitigut atornerlunnertarnerat pinaveersaartinniarlugu?**
- 2. Qanoq ittunik pilersaaruteqartoqarpa imaluunniit piareersimasuuteqartoqarpa pinaveersaartitsinermut atatillugu meeqqat inuusuttullu ukiuinut naleqquttumik kinguaassiutitigut kanngutsaattuliorfigineqartarnermut ilinniartinnissaannut?**
- 3. Inunnut tamanut soqutiginarsinnaasunik allanik Naalackersuisut paasissutissiisinnaanerlutik, meeqqat inuusuttullu kinguaassiutitigut kanngutsaattuliorfigineqartarnerisa pinaveersaartinissaa pillugu imaluunniit immikkoortumi pineqartumi katsorsaasarnermut tunngasunik?**
- 4. Suliniutit suut kommuninit aallartinneqarnikuppat, kinguaassiutitigut kanngutsaattuliortarnerit pillugit?**
- 5. Qanoq piginnaasallit, atorfiit suli amingaatigineqarpat imaluunniit pisortani allat qanoq ilinniarsimasut amingaatigaagut kinguaassiutitigut kanngutsaattuliorfineqarsimasut inersimasunngorlutik sassartut ikiornissaannut?**  
**- Allatut oqaatigalugu; Inersimasut kingunerlutsitsisut amerlassusaat eqqarsaatigalugu tamakkiisumik ikiorneqassappatat suut amingaataappat?**
- 6. Suliniutit suut aallartinneqartarpat meeraq inuusuttorluunniit kinguaassiutitigut atornerlunneqarsimasoq politiinut nalunaarutigineqaraangat aamma pisortat tungaanniit qanoq malitseqartitsisoqartarpa meeraq taassumalu ilaqutai ikiorniarlugit?**



SULEQATIGIISITSISUT  
SAMARBEJDSPARTIET

**7. Pilersaaruteqartoqarnerluni qaammarsaanissamut aamma sakkussanik**

**ineriartortitsinissamut inersimasut meeqqanik inuusuttunillu sullissisut meeqqat inuusuttullu atornerlunneqarsimasut ilisarnaataannik takunnigasuartalersinnaanissaat pillugu aamma iliuseqarasuartarsinnaanissaat pillugu kinguaassiutitigut atornerluisoqarsimanera paasineqarpat?**

**- Matumani immikkut eqqarsaatigaakka atuarfinni meeqqerivinnilu inersimasut aamma inersimasut meeqqanik inuusuttunillu sullissisut timersoqatigiiffinni aamma klubbini.**

**8. Kinguaassiutitigut atornerlunneqarsimasunut nutaanik allaanerusunilluunniit katsorsaariaaseqalernissaq pilersaarutaava?**

**-Tassunga atatillugu immikkut meeqqanut aamma inuusuttunut?**

**9. Naalakkersuisut pilersaarutiginerlugu sullissinermut piffissamik atorneqartartumik sivikillisaanissaminnut aamma kinguaassiutitigut kanngutsaattuliorfigineqarsimasut ikiorneqarnissaminnut utaqquisutut allatsissimasut eqqarsaatigalugit?**

**- -Tassunga atatillugu immikkut meeqqanut aamma inuusuttunut?**

(Inatsisartuni ilaasortaq Tillie Martinussen, Suleqatigiissitsisut)

**Tunggavilersuutit:**

QIneqqusaarnerup nalaani meeqqat inuusuttullu kinguaassiutitigut kanngutsaattuliorfigitissimasut kingunerlutsitsisarnerillu annertuumik oqallisaapput innuttaasunik politikerinillu assut attuisumik.

Soqutiginarpoq tassunga atatillugu tusassallugu Naalakkersuisut qanoq pilersaaruteqarnerisut immikkoortumi eqqorneqarsimasut ikiorneqarnissaat pinaveersaartitsinerlu eqqarsaatigalugit, pisartut annertummata aamma inuiaqatigiinni pineqartoq ukiorpassuarni ajornartorsiutaanikummat.

Innuttaasut kinguaassititigut kanngutsaattuliorfigineqarsimasut imminut toquttartut annaasarpagut aamma takusarpagut innuttaasut nunanut allanut aallartartut ikiortissarsiorumallutik - ilaannikkut ajoraluartumik alianartumik kinguneqartartumik pissutaalluni kinguaassiutitigut kanngutsaattuliorfigineqarnerup artornaqisup qaangernissaanut ikiuisoqartanninnera.



SULEQATIGIISITSISUT  
SAMARBEJDSPARTIET

Sualummik meeqqat inuusuttullu tunuliaqutaralugit apeqqutit saqqummiuppakka, tassani ajornartorsiuteqaratta kinguaassiutitigut kanngutsaattuliortarnerit pillugit nalunaarutigineqartartut aaqqissuussamik malitseqartinneqartannginneri, taakku pinaveersaartittarnissaat aamma meeqqat inuusuttullu eqqorneqarsimasut ataavartumik pitsaasumillu eqqarsaatigalugit imaluunniit kinguaassiutitigut kanngutsaattuliorfigineqarsinnaanermut ulorianartorsiortut eqqarsaatigalugit.

Kommunit ajornartorsiutigaat sulianik ingerlatsisussanik pikkorissunik sulisussaqaanginnertik aamma ikiuinissamut neqeroorutit amerlasoorsuunngillat, tassani malunnarpoq pisariaqartinneqartut ikiorneqarnissamut neqeroorutit amerlanerusut pitsaanerusullu - aamma innuttaasut kanngutsaattuliortartut innarlarsimasaasa sukkanerusumik ikiorneqartarnissaat amingaataavoq.

Aamma malunnarpoq pisariaqartinneqartoq sakkortuumik pinaveersaartitsisoqarnissaa taamatullu inuusuttut meeqqallu qaammarsaavigineqarnissaat taamatullu inersimasut taakkunanga isumaginnittussanngortitaasimasut qaammarsaavigineqarnissaat.

Apeqqutit akeqquakka ullut suliffiit naliginnaasut qulit iluanni.

Tillie Martinussen

Samarbejdspartiet - Suleqatigiissitsisut